

四庫全書

史部

欽定四庫全書

史部

欽定宗室王公功績表傳卷首目錄卷一

主事<sub>臣</sub>陳若霖覆校

總校官檢討<sub>臣</sub>何思鈞

欽定四庫全書

欽定宗室王公功績表傳卷首

諭旨

乾隆二十九年九月二十六日

上諭宗室中封授王公顯爵者或有伊等先世建立豐  
功是以寵列勲階世襲罔替或有分屬天潢本支誼  
當出就外府錫之崇秩俾備屏藩而其中惟著有軍  
功之王公等當國家

開基定鼎時宣猷効績載在宗盟若不為之追闡成勞昭  
示來許將傳世滋久不惟伊等功績莫彰無以使奕  
世子孫觀感奮發競知鼓勵甚至支派遠近漸亦難  
於稽攷即如顯親王康親王簡親王信郡王順承郡  
王平郡王及軍功所封公等其酬庸世及中外固所  
共知然受封本末事具

實錄

國史簡牒尊藏秘府未便輕事披檢重以紀載體例不

越因事繫年難免後先參互於一王一公之事蹟未經裒彙成編其令大學士會同宗人府於

實錄

國史內如顯親王以下各王公等凡立功之端委傳派之親疎一一悉心采訂分繕成帙進呈以備觀覽

乾隆四十三年正月初十日

上諭睦親彰善王政宜先繼絕昭屈聖經所重朕自臨御以來間日恭閱

列祖

列宗實錄一冊因脩知

祖宗創業艱難及爾時懿親蓋臣勤勞佐命底定中原偉  
伐殊功實為從古所未有而當時策勛錫爵榮號崇  
封所以酬答者本從優厚迨其後或有及身緣事旋  
被降削者或有子孫承襲更易封號者迄今平情準  
理若不為之溯述闡揚追復舊恩於心實有未愜因  
念睿親王多爾袞當開國時首先統衆入關掃蕩賊

氛肅清宮禁分遣諸王追殲流寇撫定疆陲一切創制規模皆所經畫尋即奉迎

世祖車駕入都定國開基以成一統之業厥功最著顧以攝政有年威福不無專擅諸王大臣未免畏而忌之遂致歿後為蘇克薩哈等所構授款於其屬人首告誣以謀逆經諸王定罪除封其時我

世祖章皇帝實尚在冲齡未嘗親政也夫睿王果萌異志則方兵權在握何事不可為且吳三桂之所迎勝國

舊臣之所奉止知有攝政王耳其勢更無難號名即  
我滿洲大臣心存忠篤者自必不肯順從然彼誠圖  
為不軌無難潛鋤異已以逞逆謀乃不於彼時因利  
乘便直至身後以斂服僭用明黃龍袞指為覬覦之  
證有是理乎況英親王阿濟格其同母兄也於追捕  
流賊回京時謊報李自成身死且不候

旨班師睿王即遣員斥責其非並免王公等往迎之禮又  
因阿濟格出征時脅令巡撫李鑑釋免逮問道員及



擅至鄂爾多斯土默特取馬會議其罪降為郡王平  
日辨理政務秉公持正若此是果有叛志無叛志乎  
又

實錄載睿王集諸王貝勒貝子公大臣等遣人傳語曰今  
觀諸王貝勒大臣等但知諂媚於予未見有尊崇  
皇上者予豈能容此昔

太宗升遐嗣君未立英王豫王跪請予即尊位予曰爾等  
若如此言予當自刎誓死不從遂奉

皇上續承大統似此危疑之時以予為君尚不可今乃不敬

皇上而媚予予何能容自今以後有盡忠

皇上者予用之愛之其不盡忠不敬事

皇上者雖媚予予不爾宥也且云

太宗恩育予躬所以特異於諸子弟者蓋深信諸子之成立惟予能成立之每覽

實錄至此未嘗不為之墮淚則王之立心行事實能篤忠

蓋感

厚恩深明君臣大義尤為史冊所罕覲使王彼時如宋太宗之處心積慮則豈肯復以死固辭而不為邪說搖惑耶乃令王之身後久抱不白之冤於泉壤心甚憫焉假令當日之逆跡稍有左驗削除之罪果出於我世祖聖裁朕亦寧敢復翻成案乃實由宵小奸謀構成冤獄而王之政績載在

實錄者皆有大功而無叛逆之跡又豈可不為之昭雪乎

昨於乾隆三十八年因其塋域久荒特勅量為繕葺並准其近支以時祭掃然以王之生平盡心王室尚不足以慰彼成勞朕以為應加恩復還睿親王封號追謚曰忠補入

玉牒並令補繼襲封照親王園寢制度修其塋墓仍令太常寺春秋致祭其原傳尚有未經詳叙者並交國史館恭照

實錄所載敬謹輯錄增補宗室王公功績傳用昭彰闡宗

勲至意又如豫親王多鐸從睿親王入關肅清京輦  
即率師西平流寇南定江浙實為開國諸王戰功之  
最乃以睿親王之誣獄株連降其親王之爵其後又  
改封信郡王雖至今承襲罔替但以王之勲績超邁  
等倫自應世胄原封以彰殊眷豈可以風影微青輒  
加貶易乎朕以為應復其原封又諸王中披堅執銳  
拓土開疆共成一統之業者如禮親王代善後改封  
康親王鄭親王濟爾哈朗後改封簡親王肅親王豪

格後改封顯親王克勤郡王岳託後改封平郡王當時俱茂著壯猷克昭駿烈載在宗盟今其子孫所襲均非始封之名外人不知妄疑宗藩當國家締造時有大勲勞而後裔均不得長延帶礪以為闕典即其本支承家襲慶以去祖漸遠幾忘其先世錫封之由弗克顧名奮效所係於宗室子孫者甚重况功臣世封內如揚古利之英誠公費英東之信勇公額亦都之果毅公俱以本號相傳其子孫承襲者各能溯勲

闕以宣偉績不失故家喬木之遺今以親賢世胄竟改其初封嘉號何以垂詒奕禩示酬庸追本之義乎朕以為應復其原號著交軍機大臣會同宗人府悉心妥議具奏其餘宗室諸王貝勒等如有顯著功績其封爵後經降奪者除本身身罹重愆自不當復邀優典若係承襲之子孫獲咎議處者僅當斥其本身而不當追貶其祖宗世爵方為平允亦著一併會查議奏再配享

太廟諸王僅有通達武功慧哲宣獻四郡王其

太祖

太宗

世祖時戮力行間櫛風沐雨之親藩如向所舉數人皆未  
之及盖由當時議禮諸王各懷私意遂爾沒其勲伐  
不得同侑馨香豈足以彰公道所有睿親王禮親王  
鄭親王豫親王肅親王克勤郡王俱著補置牌位配  
享



太廟用以妥功宗而昭渥典至通達郡王係

顯祖之子武功慧哲宣獻三郡王係

景祖之子當時雖身與配享第以宗支而論已在覺羅之列是以宗室王公表傳內未經列傳但思宗室傳既限於支派國史傳又以屬在宗潢今此四王無所附麗亦覺欠缺著并交國史館查明四王事實補為立傳列於國史諸大臣傳之前即或當時紀載簡少其功績無由稽核無妨不拘詳略各立一傳以徵信實

並將此通諭知之

乾隆四十三年三月初二日

上諭朕因我朝開國時宗室懿親勤勞佐命其殊勲茂績實為史冊罕有如睿親王多爾袞受誣黜爵豫親王多鐸緣事降封朕為核其生平事績昭雪加恩復還原封世襲又禮親王代善鄭親王濟爾哈朗肅親王豪格克勤郡王岳託等並令稱其原號用昭惇叙酬庸渥典其餘諸王貝勒內或有顯著功績而封爵

後經降奪者除本人身罹重愆不當復邀優典外若  
係承襲之子孫獲咎議處竟將初封褫革未為平允  
因令軍機大臣會同宗人府查明具奏今據開列清  
單進呈朕詳加閱核如饒餘親王阿巴泰及子安親  
王岳樂俱屢著功績其子孫內止有奉恩將軍一人  
不足以酬勞閥著加恩賞封輔國公一人又敬謹親  
王尼堪功勳頗顯且以力戰捐軀其子孫內現在止  
有一輔國公亦著加恩晉封鎮國公至謙郡王瓦克

達巽親王滿達海鎮國公屯齊從前亦均著有功績  
現無承襲之人並著加恩瓦克達子孫賞給一等鎮  
國將軍滿達海子孫賞給一等輔國將軍屯齊子孫  
賞給一等奉國將軍此次加賞之公爵世職俱著世  
襲罔替所有應襲之子孫俱著宗人府照例揀選數  
人帶領引見

乾隆四十六年十一月二十六日

上諭宗室王公表傳簡親王喇布順承郡王勒爾錦貝

勒洞鄂事蹟俱不詳晰又簡親王傳內稱其生有神  
力語尤不經查此書係何年編纂此外尚有似此語  
句及叙次草率者並著交國史館恭查

實錄紅本另行改纂以昭徵信

御製文

已未歲我

太祖大破明師於薩爾滸山之戰書事

蓋聞國之將興必有禎祥然禎祥之賜由乎

天而致

天之賜則由乎人予小子於己未歲我

太祖大破明師於薩爾滸之戰益信此理之不爽也爾時  
草創開基輦路監縷地之里未盈數千兵之衆弗滿數  
萬惟是

父子君臣同心合力師直為壯荷

天之龍用能破明二十萬之衆每觀

實錄未嘗不流涕動心思我

祖之勤勞而念當時諸臣之宣力也謹依

實錄敘述其事如左

己未二月明帝命楊鎬杜松劉綎等統兵二十萬號四十萬來攻左翼中路以杜松王宣趙夢麟張銓督兵六萬由渾河出撫順關右翼中路以李如栢賀世賢閻鳴泰督兵六萬由清河出鴉鵲關左翼北路以馬林麻岩潘宗顏督兵四萬由開原合葉赫兵出三岔口右翼南路以劉綎康應乾督兵四萬合朝鮮兵出寬甸口期並

趨我興京三月朔我西路偵卒遙見火光馳告甫至而南路偵卒又以明兵逼境告我

太祖曰明兵之來信矣南路駐防之兵有五百即以此拒

之明使先見南路有兵者誘我兵而南也其由撫順關

西來者必大兵急宜拒戰破此則他路兵不足患矣即

於辰刻率大貝勒代善

後封禮親王

及衆貝勒大臣統城中

兵出而令大貝勒前行時偵卒又以明兵出清河路來告大貝勒曰清河之界道途逼仄崎嶇兵未能驟至我



兵惟先往撫順以逆敵兵遂過扎喀關與達爾漢侍衛

扈爾漢

後授三等子世職

集兵以待

上之至時

四貝勒

即我宗文皇帝

太以祀事後至謂大貝勒曰界藩山

上我築城夫役在焉山雖險倘明之將帥不惜士卒奮  
力攻之陷夫役奈何我兵宜急進以安夫役之心大貝  
勒等善是言下令軍士盡擐甲日過午至太蘭岡大貝  
勒及扈爾漢欲駐兵隱僻地以待敵

四貝勒艷然曰正宜耀兵列陣明示敵人壯我夫役士卒之膽俾并力以戰何故令兵立隱僻地耶巴圖魯額亦都後為一等大臣追封弘毅公曰貝勒之言是也我兵當堂堂正正

以向敵人遂督兵赴界藩對明兵營列陣而待初衆貝勒兵未至我國防衛築城夫役之兵僅四百人伏薩爾澹谷口伺明總兵杜松王宣趙夢麟之兵過谷口將半尾擊之追至界藩渡口與築城夫役合據界藩山之吉林崖杜松結營薩爾澹山而自引兵圍吉林崖仰攻我

兵我兵四百人率衆夫役下擊之一戰而斬明兵百人  
時我國衆貝勒甫至見明兵攻吉林崖者約二萬人又  
一軍列薩爾辭山巔遙為聲勢四大貝勒與衆將議曰  
吉林崖巔有防衛夫役之兵四百人急增千人助之俾  
登山馳下衝擊而以右翼四旗兵夾攻之其薩爾辭山  
之兵則以左翼四旗兵當之遂遣兵千人往吉林崖  
上至問四大貝勒破敵策四大貝勒具以前議告

上曰日暮矣且從汝等令分右翼四旗之二與左四旗兵

合先破薩爾澗山所駐兵此兵破則界藩之衆自喪膽矣再令右二旗兵遙望界藩明軍俟我兵由吉林崖馳下衝擊時并力以戰是時我國近都城之兵乘善馬者先至乘駕馬者後至其數十里外者尚未至於是合六旗兵進攻薩爾澗山明兵駐營列陣發鎗礮我兵仰而射之奮力衝擊不移時破其營壘死者相枕藉而所遣助吉林崖之兵自山馳下衝擊右二旗兵渡河直前夾擊明兵之在界藩山者短刃相接我兵縱橫馳突無不

一當百遂大破其衆明總兵杜松王宣趙夢麟等皆歿於陣橫屍亘山野血流成渠其旗幟器械及士卒死者蔽渾河而下如流漸焉追奔逐北二十餘里至舒欽山時已昏軍士沿途搜勦者無數是夜明總兵馬林兵營於尚間崖濬濠嚴斥堠鳴金鼓自衛我兵見之乘夜馳告於大貝勒翼旦大貝勒以三百餘騎馳往馬林兵方拔營行見大貝勒兵至回兵結方營環營濬濠三匝列火器俾習火器者列濠外繼列騎兵以俟又潘宗顏一

軍距西三里外營斐芬山大貝勒見之使人馳告於  
上時我國遠路之兵亦陸續至與大貝勒兵合明左翼中  
路後營遊擊龔念遂李希泌統步騎萬人駕大車持堅  
楯營於幹琿鄂謨地環營濬濠外列火器

上見之與

四貝勒率兵不滿千人分其半下馬步戰明兵發火器拒  
敵

四貝勒引騎兵奮勇衝入我步兵遂斬其車破其楯明兵

又大敗龔念遂李希泌皆陣歿焉會大貝勒使人至知  
明兵已營尚間崖

上不待

四貝勒兵急引侍從四五人往日中至其地見明兵四萬  
人布陣成列

上趣令我軍先據山巔向下搏擊衆兵方欲登山而馬林  
營內之兵與壕外兵合

上曰是將與我戰也我兵且勿登山宜下馬步戰令大貝

勒往諭時左二旗兵下馬者方四五十人明兵已自西突至大貝勒代善言於

上曰兵已進矣即怒馬迎戰直入其陣二貝勒阿敏三貝勒莽古爾泰與衆台吉等各鼓勇奮進兩軍搏戰遂敗明兵斬首捕鹵過當方戰時我六旗兵見之不及布列行陣人自為戰前後不相待縱馬飛馳直逼明營明兵發鳥鎗巨礮我兵衝突縱擊飛矢利及所向無前明兵不能支又大敗遁走我兵乘勝追擊明副將麻岩及大



小將士皆陣歿總兵馬林僅以身免滅跡掃塵案角隴種尚間崖下河水為之盡赤

上復集軍士馳往斐芬山攻開原道潘宗顏兵令我兵之半下馬仰山而攻宗顏兵約萬人以楯遮蔽連發火器我兵突入摧其楯遂破之宗顏全軍盡歿時葉赫貝勒錦台什布揚古欲助明與潘宗顏合其兵甫至開原中固城聞明兵敗大驚而遁是時我軍既擊破明二路兵上乃收全軍至固勒班地方駐營而明總兵劉綎李如栢

等由南路進者已近逼興京傾卒馳告

上遂命扈爾漢先率兵千人往禦翼旦

上復命二貝勒阿敏率兵二千繼之

上率衆貝勒大臣還軍至界藩行凱旋禮封八牛祭纛告

天大貝勒代善請曰吾先歸從二十騎微行探信祀畢

上徐來

上許諾三貝勒莽古爾泰亦相繼行

四貝勒馳至

上前請與俱往

上曰汝兄微行往探汝隨吾後行

四貝勒曰兄獨往吾留此未安也遂亦行日暮大貝勒回  
至興京入宮則

皇后內庭等見大貝勒至亟問禦敵策大貝勒曰撫順開  
原二路敵兵已破誅戮且盡南來兵已遣將往禦我待  
父皇命當即往破之於是大貝勒復出城迎

上於大屯之野

上自界藩啟行至興京平明大貝勒三貝勒

四貝勒統軍士禦劉綎而留兵四千於都城待李如柏賀世賢等之兵初劉綎兵出寬甸進揀鄂路我居民避匿深山茂林中劉綎悉焚其柵寨殺其孱弱佐領託保額爾訥額赫率駐防五百人迎敵劉綎兵圍之數重額爾訥額赫死之并傷我卒五十人託保引餘兵與扈爾漢軍合扈爾漢伏兵山隘以待已刻大貝勒及三貝勒四貝勒引兵甫出瓦爾喀什窩集時劉綎所率精銳二萬

先遣萬人前掠將趨登阿布達哩岡布陣大貝勒欲引兵先登馳下擊之

四貝勒曰兄統大兵留此相機為援吾先督兵登岡自上  
下擊之大貝勒曰善我引左翼兵出其西汝引右翼兵  
登山俾將士下擊汝立後督視勿違吾言輒輕身入也  
四貝勒遂率右翼兵往先引精騎三十人超出衆軍前自  
山馳下奮擊之兵又交接戰甚酣後軍隨至衝突而入  
大貝勒又率左翼兵自山之西至夾攻之明兵大潰

四貝勒乘勝追擊與劉綎後隊兩營兵遇綎倉卒不及陣  
四貝勒縱兵奮擊殲其兩營兵萬人劉綎戰死是日明海  
蓋道康應乾步兵合朝鮮兵營於富察之野其兵執篋  
笕長鎗被藤甲皮甲朝鮮兵被紙甲其胄以柳條為之  
火器層疊列待

四貝勒既破劉綎兵方駐軍衆貝勒皆至遂復督兵攻應  
乾明兵及朝鮮兵敵競發火器忽大風驟作走石揚沙  
煙塵反撲敵營昏冥晝晦我軍乘之飛矢雨發又大破之

其兵二萬人殲焉應乾遁去先是二貝勒阿敏扈爾漢前行遇明遊擊喬一琦兵擊敗之一琦將收殘卒奔朝鮮都元帥姜功烈營時功烈據固拉庫崖衆貝勒復整兵逐一琦遂攻朝鮮營功烈知明兵敗大驚遂按兵偃旗幟遣通事執旗來告曰此來非吾願也昔倭侵我國據我城郭奪我疆土急難之時賴明助我獲退倭兵今以報德之故奉調至此爾撫我我當歸附且我兵之在明行間者已被爾殺此營中皆高麗兵也明兵逃匿於

我者止遊擊一人及所從軍士而已當執之以獻四大  
貝勒定議乃曰爾等降先令主將來否則必戰功烈復  
遣使來告曰吾若今夕即往恐軍亂逃竄其令副元帥  
先往宿貝勒營以示信詰朝吾率衆降遂盡執明兵擲  
於山下付我明遊擊喬一琦自縊死於是朝鮮副元帥  
先詣衆貝勒降翼日姜功烈率兵五千下山降衆貝勒  
宴勞之送功烈及所部將士先詣都城

上御殿朝鮮都元帥姜功烈及副元帥等匍匐謁見



上優以賓禮數賜宴厚遇之士卒悉留養四大貝勒既殲南路明兵四萬人我軍駐三日籍其俘獲人馬輜重鎧仗而還是役也明以傾國之兵雲集遼瀋又招合朝鮮葉赫分路來侵五日之間悉被我軍誅滅其宿將猛士暴骸骨於外士卒死者不啻十餘萬我軍邀

天佑助以少擊衆無不摧堅挫銳迅奏膚功策勲按籍我士卒僅損二百人自古克敵制勝未有若斯之神者也時明經畧楊鎬駐瀋陽聞三路兵敗大驚急檄總兵李

如栢副將賀世賢等回兵如栢等自呼蘭路遁歸我哨兵二十人見之據山上鳴螺繫帽弓弰揮之作招集大兵狀已而呼噪下擊殺四十人獲馬五十匹明兵奪路而逃相蹂踐死者復千餘人庚寅大軍還至都城

上顧衆貝勒大臣曰明以二十萬衆號四十七萬分四路並力來戰今我不踰時破之遂獲全勝各國聞之若謂我分兵拒敵則稱我兵衆若謂我往來勦殺則服我兵強傳聞四方孰不懾我軍威者哉嗚呼由是一戰而明

之國勢益削我之武烈益揚遂乃克遼東取瀋陽王基  
開帝業定夫豈易乎允因我

太祖求是於

天復讐乎

祖同凡弟子姪之衆率股肱心膂之臣

親冒矢石授方略一時

聖嗣賢臣抒勞効惻用成鴻勳我大清億萬年丕丕基實

肇乎此予小子披讀

實錄未嘗不起敬起慕起悲起愧未能及其時以承

訓抒力於行間馬上也夫我

祖如此勤勞所得之天下子若孫覩此戰蹟而不思所以

永

天命綿帝圖兢兢業業治國安民凜惟休惟恤之戒存監  
夏監殷之心則亦非子子孫而已爾此予覩薩爾濟之  
戰所由書事也此予因

實錄尊藏人弗易見而特書其事以示我大清億萬年子

孫臣庶期共勉以無忘

祖宗開創之艱難也

御製詩

醇克勤郡王園寢

癸亥

開國承家日于藩夾輔資一時扶王業四海定丕基懿  
德書金匱佳城奠玉卮銀潢天共遠百世篤宗支

追復睿親王封號并復其宗嗣襲封予謚配享詩

以誌事 有序 戊戌

稽宗盟之軼事展親兼以褒功覈方策之遺聞申枉因而繼絕睿親王者屬本懿藩分居執政勤勞王室悲忱洵同姓之良綏定燕京偉績更諸王之冠願以任隆見嫉亦或氣盛招尤履霜之釁潛積於多年戴盆之冤頓興於既逝指斂衣為左證理知所必不然肆羅織以深文獄甚於莫須有徒以衆怨之構成貝錦而執作爰書尚非

親政之年矯綸綍而竟從重典繫予恭披

實錄鑒王實有大勲當危疑推戴之時拒羣議而直扶  
冲主迨戡亂肅清之際迎

聖駕而肇建丕基且誠比列之謠諛勗以尊君親上復斥  
同懷之愆戾加以義正詞嚴厯厯具存班班可考  
緬其誠蓋皎如白日青天嘉乃壯猷允矣信今傳  
後使果有不軌之志未嘗無可乘之機乃貞心既  
矢於寢興豈逆迹轉萌於泉壤無端而暴其罪狀  
每惻於中如是而坐以叛名宜昭其屈念疇昔非

由

親決弗嫌成案之翻為國家特叙成勞惟協公評之當用  
是復其王爵仍教世襲茅封並為錄彼宗支咸使  
列於

玉牒葺園寢而春秋祀享配

太室而殿廡筵班補列傳以連篇準易名之一字推

祖宗之恩意辨誣足勝金縢勉子姓以欽承守緒奚煩鐵

券爰成四韻并引長言



流言恐懼似周公公則生前王已終

睿親王之寃獄與周公之被流言相

似然公之受謗在生前故恐懼可以有待王則遭誣於身後故是非無以自明然予恭閱

實錄為之昭

雪較諸感風雷而發金

無倖位心真是睿有開基業孰

齊忠謚增一字非私惠論定千秋付衆同配食襲封推

祖澤睦親惇叙勗宗功

命仍稱禮鄭豫肅諸親王及克勤郡王原封爵號

並予配享詩以誌事

有序

戊戌

溯維城於王室同扶有永之

鴻圖考列爵於宗盟各著非常之偉閎事在本朝為極盛  
蹟皆前古所罕聞每以繹尋

實錄之文因有追叙成勞之典粵稽禮部實惟讓王四路  
分殲薩爾滸助揚

神武連營並克山海關奮厲師貞翊

聖明而特表蓋誅逆惡而不徇私義至鄭王屬居近派  
蒙

太祖育自宮中初定平壤之盟旋鼓寧遠之勇遵化歸化

頻建豐庸松山杏山疊施勝算剪彊藩而成一統  
識裕先幾膺攝政而疏千言監陳

前憲若夫論功之最惟豫尤超幼統偏師荷嘉名之

肇錫獨抒長策舉大勢以全規洎入燕京遂專閫節破潼  
關而追流寇狂魄尋僵平江介以定中原游魂自  
滅又如肅武親王之百戰稱雄而秦地恢城蜀江  
殪賊勲尤崇也他若克勤郡王之屢征奏捷而降  
納朝鮮計圖明塞略更優焉是為同姓之股肱名

皆炳著並照當年之耳目人所豔稱乃日久而舊  
號俱更雖世及而遺風幾泯爰命復原封之字俾  
同竹帛以常新並教列配享之廟咸侑馨香而弗  
替餘凡類似悉予詳求念櫛風沐雨之勞使徵獻  
者知宗功之不朽比礪山帶河之永期襲次者懷  
祖烈以毋忘用紀長歌並疏小引

貝勒讓帝如汝陽

太祖大事禮親王於諸子中  
為最長而功德隆茂眾望皆屬

太宗禮親王因作議書言紹承大統必得聖君始能  
戡亂致治以成一統自顧德薄願共推戴

四貝

勒嗣位入朝遍示諸貝勒大臣衆皆喜

太宗辭讓再三王意益懇切乃從之

薩爾濟戰我

武揚

薩爾濟之戰禮親王同太祖立功詳見向所作薩爾濟山書事

太宗隨

推戴

沖主出丹誠

叶

不私子孫德尤彰

親王之

世祖嗣位時禮子碩託孫阿達

禮曾謀立睿親王禮親王發其謀並誅之

宮中育養子姪行其名曰濟爾哈朗

叶

太祖鄭親王為太祖親姪幼育於

宮中號和碩貝勒

戰功多矣難數詳同攝政亦抒謀臧遠取雲

貴見早彊

鄭親王病劇

三朝深恩未能

世祖臨問泣對曰臣受仰答不勝感痛惟願

以取雲貴滅桂王統一四海為念

世祖為之大慟逆藩日後之謀果不出王之先見也

幼領偏

師建績昂褒蒙

聖嘉賜美名

叶 豫親王幼統偏師輒有功  
太宗嘉之 賜號額爾克楚呼爾 直入

潼關賊奔商旋師平定江南疆功莫大焉策允良

王之戰功

甚多難以縷舉至其破潼關逐闖賊及平定江南尤其功之最著者也

整兵入蜀肅親王

陣斬巨寇張獻忠

叶

悉平內地警諸羌

肅親王射殪張獻忠並剷除羣

賊平定

禮親王子智獨長

克勤郡王為禮親王長子有謀勇

濟以悃悰

復勇往

叶

盟定朝鮮勸克襄

克勤郡王常同大貝勒阿敏及鄭親王征朝鮮克四

城諭朝鮮王李倬降時阿敏懷異志欲直趨朝鮮王京倬挈挈奔遣其臣進昌君求和眾議許之阿敏不允克

勤郡王密與鄭親王定議駐師平山城遣使往諭僚報  
命願歲貢方物遂許其降既盟告阿敏阿敏以未與盟  
仍縱兵大掠勒之不聽復令恨未得與定北京叶克  
僚弟李覺與阿敏盟乃班師  
於崇德三年以疾薨於軍太祖聞而慟是皆巨  
哭加以恩禮故未及與入關定燕京也  
擘輝天潢與復舊號並配享叶其未及者付考章並教  
一一稽宗盟叶其餘宗室諸王貝勒等有功績顯著其封爵後經降奪者並命宗人府查奏  
雪寃彰善示後覆

祖

宗恩澤予衍慶本支百世奕禩昌

酹克勤郡王園寢戊戌

每陳開國策均合

聖人心

王戰功頗多且於天聰時陳奏善撫降人及請於山海關通州燕京三處急圖其一以定丕基並請

駐兵金州瞭哨諸事

太宗皆嘉納之

不少赴桓衆

獨嘉幹略沉佳城留故里致奠重躬臨彰善俾觀感伊予

此意深

王之後襲封者改為平郡王今春以開國勲藩爵延於世自應仍其初封之號俾襲爵者顧名

追念無忘其先人體國勲勞常懷效勉於訓示宗親有益曾命軍機大臣會同宗人府核議著為令

酹克勤郡王園寢疊戊戌詩韻癸卯



讓帝之冢子首陳推戴心

克勤郡王岳託禮親王代善之長子也有謀勇多戰功天

命十一年八月

太祖升遐岳託與弟薩哈璘以

一日無君

四貝勒才德冠世深契

先帝

聖心衆皆悅服

當速繼大位代善曰此吾夙心也乃夜

作議書翼日偏示諸貝勒大臣於朝遂定議奉

太宗嗣位又於天聰時奏請善撫降人及請於山海關

通州燕京三處急圖其一以定丕基太宗嘉納

之崇德三年

命為楊威大將軍與睿親王分道

征明所向克捷以疾薨於軍

太宗聞之驚慟輟

膳三日

詔封多羅克勤郡王康熙二十七年

改稱平郡王復還原號並令配享太廟忘家惟

為去聲國力勇更謀沈我

祖所嘉許予躬應奠臨

闕宮教配享彰善意猶深

欽定四庫全書

欽定宗室王公功績表傳目錄

卷一 表一

親王 郡王

卷二 表二

貝勒 貝子 鎮國公 輔國公 以

罪黜宗室貝勒

卷三 傳一 親王

和碩禮親王代善

和碩英親王阿濟格

卷四 傳二 親王

和碩睿親王多爾袞

卷五 傳三 親王

和碩豫親王多鐸

和碩肅親王豪格

和碩承澤親王碩塞

卷六 傳四 親王

和碩鄭親王濟爾哈朗

卷七 傳五 親王

和碩敬謹親王尼堪

和碩穎親王薩哈璘

和碩端重親王博洛

卷八 傳六 郡王

多羅饒餘郡王阿巴泰

多羅克勤郡王岳託

多羅謙郡王瓦克達

多羅順承郡王勒克德渾

卷九 傳七 貝勒

和碩貝勒阿敏

多羅誠毅貝勒穆爾哈齊

多羅篤義貝勒巴雅喇

多羅廣略貝勒褚英

多羅貝勒芬古

多羅安平貝勒杜度

多羅貝勒察尼

多羅貝勒哈爾楚渾

多羅貝勒巴思哈

卷十 傳八貝子

固山貝子務達海

固山貝子博和託

固山貝子固爾瑪渾

固山貝子洛託

固山貝子傅喇塔

固山貝子穆爾祜

固山貝子特爾祜

固山貝子薩弼

固山貝子蘇布圖

固山貝子溫齊



卷十一 傳九 鎮國公 輔國公

鎮國公阿拜

鎮國公巴布泰

鎮國公漢岱

鎮國公恭阿

鎮國公品級屯齊

輔國公塔拜

輔國公賴慕布

輔國公瑪瞻

輔國公穆布爾善

輔國公巴爾堪

輔國公品級扎喀納

卷十二 傳十 以罪黜宗室貝勒

和碩貝勒莽古爾泰

和碩貝勒德格類

多羅貝勒拜音圖

多羅貝勒碩託

多羅貝勒延信

臣等謹按

欽定宗室王公功績表傳十二卷乾隆四十六年

奉

勅撰初乾隆二十九年

命宗人府內閣考核宗室王公功績輯為表一卷  
詳列封爵世系傳五卷第一卷第二卷為

親王第三卷為郡王第四卷為貝勒貝子鎮  
國公輔國公第五卷為王貝勒獲罪褫爵而  
舊有勲勞者通三十一人又附傳二十一人  
於乾隆三十年六月告成嗣以所述簡親王  
喇布順承郡王勒爾錦貝勒洞鄂事迹皆不  
詳悉又順承郡王傳中生有神力之語亦涉  
不經乃

詔

國史館恭檢

實錄紅本重為改撰前表後傳體例如舊立傳人數亦如舊而事必具其始末語必求其徵信則視舊詳且核焉考古者同姓分封惟周為盛然文昭武穆惟魯公伯禽有淮徐之功耳諸史列傳載從龍戰伐雖不乏懿親亦從無多至四十五人並奮起鷹揚銘勲竹帛共襄萬世之

鴻基者蓋我

國家

世德作求克承

天眷貞元會合光嶽氣鍾太元渾灝之精既挺生  
乎

列聖扶輿清淑之氣遂並萃於宗盟記所謂天降時  
雨山川出雲乘時佐命非偶然也至我

皇上篤念周親不忘舊績俾效命風雲之會者

得以表章併使席榮珪組之班者知所觀感  
用以本支百世帶礪萬年所為

垂訓而示勸者

聖意尤深遠矣參稽詳慎必再易稿而始成書者  
豈徒然哉乾隆五十四年正月恭校上

總纂官

臣紀昀

陸錫熊  
臣孫士毅

總校官

臣

陸費墀





欽定四庫全書

欽定宗室王公功績表傳卷一

表一 親王 郡王

和碩禮親王

始封	初襲	襲	襲	襲	襲	襲	襲
代善	滿達	常岱	傑書	椿泰	崇安	巴爾圖	永恩
太祖高皇帝	代善第七	滿達海第	常阿岱叔	傑書第六	椿泰第一	傑書第五	崇安第二
第二子崇	子順治六	一子順治	父祐繁第	子康熙三	子康熙四	子雍正十	子乾隆十
德元年四	年四月襲	九年七月	三子順治	十六年七	十八年十	二年四月	八年五月
月以功封	八年正月	襲後以父	十六年十	月襲四十	月襲雍正	襲乾隆十	襲四十三

口而豐親  
手而禮親

改號興元

罪己

二月製改

八年五月

十一年九

八年三月

年正月復

王順治五

平二月薨

從弟傑書

號康康

范謙子

月夜謠

從商詔

始封之號

年十月薨

謚簡子常

樂

三十六年

崇安集

伯父巴爾

孫永鑾

回禮

子鴻達海

阿婆羅

閏三月癸

國製

集康熙十

六年十月

議良子梅

年六月迄

以罪追削

恭製

議列

和碩英親王

原封

阿濟格

太祖高皇帝

第十二子

順治元年


十月以功

封和碩英

親王八年

正月以罪

削爵除



和碩睿親王

始封

初襲

多爾袞

淳頤

太祖高皇帝

多爾袞七

第十四子

世孫如松

崇德元年

第三子乾

四月以功

隆四十三

封和碩睿

年晉襲

親王順治

七年十二

月薨八年

二月以罪

追削乾隆

四十三年

正月

特旨復原

封追諡忠

七世孫淳

顯襲

和碩豫親王

始封	初襲	二襲	三襲	四襲	五襲	六襲	七次襲
多鐸	多尼	鄂扎	洞鄂	德昭	如松	修齡	裕豐
太祖高皇帝	多鐸第二	多尼第二	多鐸第七	鄂扎第五	德昭從子	德昭第十	修齡第二
第十五子	子順治六	子順治十	子康熙四	子康熙四	功宜布弟	子乾隆五	子乾隆五
順治元年	年十月襲	八年六月	十二年三	十五年七	三十乾隆	三十六年	十一年十
四月以功	改號信後	襲康熙四	月襲四十	月襲乾隆	二十七年	四月襲四	月襲
封和碩豫	以父罪降	十一年十	五年七月	二十七年	閏五月襲	十三年正	
親王六年	郡王十八	月亮叔父	亮從孫德	二月亮謀	三十五年	月復將親	
三月亮子	年正月亮	洞鄂襲	昭襲	忽從孫如	十一月亮	王仍始封	
多尼亮元	謚宣和子			松襲	謚恪從父	之號曰豫	
年三月以	鄂扎襲				修齡襲	五十一	
罪追降郡					三月亮謚		

王康熙十

年六月追

謚通乾隆

四十三

正月

特旨復原

封

良子裕  
豐襲



和碩肅親王

始封

初襲

襲

襲

襲

襲

豪格

富綬

丹臻

衍潢

蘊著

永錫

太宗文皇帝

豪格第四

富綬第四

丹臻第六

衍潢叔父

蘊著從弟

第一子崇

子順治八

子康熙九

子康熙四

拜察禮弟

成信第五

德九年四

年二月襲

年六月襲

十一年八

子乾隆

子乾隆四

月以功封

改號顯原

四十一年

月襲乾隆

三十七年

十三年閏

和碩肅親

熙八年十

五月薨諡

三十六年

四月襲四

六月襲

王順治五

二月薨諡

密子衍潢

十二月薨

十二年五

年三月以

懿子丹臻

襲

謹謹從弟

月復始封

罪削年後

襲

襲

襲

之號曰肅

復原封子

襲

襲

襲

四月薨諡

富綬襲子

襲

襲

襲

勤從子永



和碩承澤親王

始封

初襲

二襲

三襲

四襲

碩塞

博果鐸

允祿

永瑞

綿課

太宗文皇帝

碩塞第一

聖仁皇帝

允祿子弘

永瑞弟永

第五子順

子順治十

第十六子

普第一子

珂第一子

治八年閏

二年六月

雍正元年

乾隆三十

乾隆五十

二月以功

襲改號莊

二月襲乾

二年六月

三年五月

封和碩承

雍正元年

隆三十二

襲五十三

襲

澤親王十

正月薨諡

年二月薨

年二月薨

諡慎俊子

一年十二

靖嗣子允

謚恪孫永

綿謀襲

月亮子博

祿襲

瑞襲

綿謀襲

果鐸襲康

熙十年六

欽定四庫全書

欽定宗室王公功績表傳

六

月  
追  
遠  
格

和碩鄭親王

始封

初襲

二襲

三襲

四襲

五襲

六襲

七襲

八襲

九襲

濟爾哈

濟度

德塞

喇布

雅布

雅爾江

神保佳

德沛

奇通阿

豐訥亨

朗

濟爾哈朗

濟度第三子順治十

濟度第二子康熙九

濟度第五子康熙二

阿

雅布第一子康熙四

神保佳從父福存第

德沛從父巴賽第十

奇通阿第一子乾隆

顯祖宣皇帝

治十四年

八年二月

年九月襲

十二年三

雅布第一子康熙四

四年三月

八年九月

子乾隆十

二十八年

孫和碩親

五月襲

襲康熙九

二十年十

月襲四十

子康熙四

龍乾隆十

十三年九

七年十月

十月襲四

王舒爾哈

號簡十七

年三月薨

月薨二十

年九月薨

十一年正

三年九月

月襲十七

襲二十八

十年十二

齊第六子

年七月薨

謚惠九刺

二年三月

謚修子雅

月襲雍正

以罪削從

年六月薨

年六月薨

月薨謚恪

崇德元年

謚就子德

布襲

以罪追削

爾江河襲

四年二月

弟德沛襲

謚儀從弟

謚勤子豐

子續哈納

四月以功

塞襲

第雅布襲

爾江河襲

以罪削弟

弟德沛襲

奇通阿襲

納牙襲

襲

封和碩鄭

親王順治

欽定四庫全書

欽定宗室王公功績表傳

七

十二月五

月庚子濟

度襲康

十年六月

追謚獻

宋襲

積哈納

豐訥等第

二子乾隆

四十一年

五月襲四

十三年正

月復始封

之號曰耶

四十九年

五月薨

諡子年未

及歲現未

議襲





和碩敬謹親王

始封

初襲

二襲

三襲

四襲

五襲

六襲

七襲

尼堪

尼喀

蘭布

賴士

富增

伊爾登

富春

賓寧

太祖高皇帝

尼堪第二

尼堪第一

蘭布第四

賴士弟務

賴士第三

伊爾登第

富春第二

孫多羅廣

子順治十

子康熙七

子康熙十

友第六子

子雍正四

七子乾隆

子乾隆四

喀爾勒喀

年十二月

年八月襲

八年四月

康熙五十

年二月襲

十四年十

十二年十

英第三子

襲十七年

八年五月

降襲補國

三年襲准

乾隆十四

月襲四十

一月襲四

順治六年

十一月薨

以罪降鎮

公五十三

正四年二

年四月卒

二年十一

十三年三

三月封和

謚悼元蘭

國公十七

年四月以

月以罪削

謚蘭恪子

月以罪削

月以罪誅

碩敬謹親

布襲

年十月卒

罪削弟之

從弟伊爾

富春襲

子賓寧襲

親王尼堪

王九子十

於軍子賴

子富增襲

襲襲

功

親王尼堪

功

功

一月薨於

於軍子賴

子富增十

子富增十

子富增十

子富增十

子富增十

子富增十

陣臨莊子

九年十一月

九年十一月

九年十一月

九年十一月

九年十一月

九年十一月

九年十一月

尼思略裏

以雁追剛

卷一

晉公世襲國

和碩額親王

追封

初襲

薩哈璘

阿達禮

太祖高皇帝

薩哈璘弟

孫和碩禮

一子崇德

親王代善

元年六月

第三子天

聰八年

命十一年

月以羅剛

封貝勒崇

爵除

德元年五

月薨追封

和碩額親

王子阿達

欽定四庫全書

欽定宗室王公功績表傳

十

禮部王

康熙十年

六月建

發

和碩端重親王

原封

初襲

博洛

齊新

太祖高皇帝

博洛第八

孫多羅鏡

子順治十

餘那王阿

二年四月

巴泰第三

襲復以父

子順治四

罪降貝勒

年六月以

十八年正

功封多羅

貝勒謹懷

郡王加號

恩爵除

端重六年

三月晉封

和碩親王

九年二月

亮議定子

齊見新製

十六年十

月以罪追

削爵及誣

多羅饒餘郡王

始封

初襲

二襲

三襲

四襲

阿泰

岳樂

瑪爾渾

華玘

奇昆

太祖高皇帝

阿巴泰第

岳樂第十

瑪爾渾第

華玘子錫

第七子順

四子順治

五子康熙

二子康熙

貴第二子

治元年四

八年二月

二十九年

四十九年

乾隆四十

月以功封

襲改號安

二月襲四

二月襲五

三年三月

多羅饒餘

十四年十

十八年十

十八年九

襲四十七

郡王三年

一月晉封

一月薨諡

月薨諡節

年四月卒

三月薨諡

和碩安親

愍子華玘

爵除乾隆

子年未及

敏子岳樂

王康熙二

襲

四十三年

歲現未襲

襲

十八年二

襲

三月以統

襲

月薨諡和

餘郡王阿

子賜爾澤

襲耶王二

十九年十

二月以罪

追降耶王

巴蘇安部

王岳樂功

賜策恩賴國

公爵世襲

固管孫奇

尼襲



# 多羅克勤郡王

追封

叙襲

密襲

云襲

羅襲

五襲

六襲

七襲

八襲

九襲

岳託

羅澤

羅鐸

訥爾圖

訥爾福

訥爾蘇

福彭

慶寧

慶恒

雅朗阿

太祖高皇帝

岳託第二

羅澤澤弟

羅鐸鐸弟

羅鐸鐸弟

訥爾福弟

訥爾蘇弟

福彭第一

慶寧叔父

慶恒叔祖

孫和碩禮

子崇德四

一子順治

四子康熙

六子康熙

一子康熙

一子雍正

子乾隆十

福秀第一

父訥爾圖

親王代喜

年九月襲

五年閏四

二十二年

二十六年

四十年十

四年七月

四年三月

子乾隆十

第十子乾

第一子崇

順治元年

月襲八年

正月襲二

五月襲四

二月襲雅

襲乾隆十

襲十五年

五年十二

隆四十三

德九年四

十月以功

二月改襲

十六年四

十年七月

正四年七

三年十一

九月襲誼

月襲四十

年六月襲

月以功封

封多羅特

平康熙二

月以罪削

亮誼悼子

月以罪削

月亮誼敏

僖從弟慶

三年正月

復始封之

和碩武親

福郡王三

十一年七

弟訥爾福

訥爾蘇襲

子福彭襲

子慶寧襲

恒襲

號曰克勤

四十四年

王慶以罪

年月亮

月亮誼比

襲

子訥爾圖

子訥爾圖

子訥爾圖

子訥爾圖

二月亮誼

二月亮誼

降至圖山

於軍誼介

子訥爾圖

子訥爾圖

子訥爾圖

子訥爾圖

子訥爾圖

子訥爾圖

二月亮誼

二月亮誼

貝子三年

子羅科鐸

襲

襲

襲

襲

襲

襲

襲

襲

正月復封

多羅貝勒

是年遷於

軍近村多

羅克勤郡

王子羅洛

渾襲貝勒

襲郡王

明阿襲

良從父雅

多羅謙郡王

始封

初襲

二襲

三襲

瓦克達

哈爾薩

留雍

洞福

太祖高皇帝

瓦克達第

瓦克達第

留雍孫忠

孫和碩禮

三子康熙

二十康熙

端第二子

親王代音

二十一年

二十五年

乾隆四十

第四子順

五月降襲

十月襲三

三年三月

治三年三

鎮國公二

十七年四

襲

月以功封

十五年十

月以罪削

三等鎮國

月以罪削

爵降乾隆

將軍四年

凡留雍襲

四十三年

三月晉封

三月以謙

郡王瓦克

鎮國公五

欽定宗室王公功績表傳

年十一月

晉封多羅

郡王加號

額九年八

月虎康熙

十年六月

逆誣夏子

哈爾薩降

襲

達功

賜一等鎮國

將軍爵世

襲爾皆曾

孫洞福渠

多羅順承郡王

始封	初襲	二襲	三襲	四襲	五襲	六襲	七襲	八襲	九襲
勒克德	勒爾錦	勒爾貝	揚奇	充保	布穆巴	諾羅布	錫保	熙良	泰嬰英
渾	勒克德渾	勒爾錦第	勒爾錦第	勒爾錦第	勒爾錦第	勒克德渾	諾羅布第	錫保第一	熙良第一
太祖高皇帝	治九年八	十九年十	二十一年	二十六年	三十八年	熙五十四	五十六年	一年十二	熙良第一
曾孫和碩	月襲康熙	二月襲二	七月襲二	五月襲三	正月襲五	年五月襲	十月襲五	月襲乾隆	子乾隆九
額親王陸	十九年十	十一年二	十六年四	十七年九	十四年五	五十六年	正九年八	元年四月	年九月襲
哈瑞第二	一月以罪	月喪弟揚	月喪弟充	月喪兄布	月以罪削	二月喪瑞	月封和碩	慶隆喀子	二十一年
子順治五	削子勒爾	奇襲	保襲	穆巴襲	布襲	襲	順承親王	泰嬰英阿	七月襲
年九月封	貝襲						十一月七	襲	襲
多羅順承							月以罪削		襲
郡王九年							子熙良襲		襲

三月養子

初兩錫製

康熙十年

六月追謚

恭惠

十襲

恒昌

第七子乾

隆二十一

年十月襲

月製

四十二年二

月崇謚慎

十襲

倫柱

子乾隆五

十一年二

月製

邵王



欽定宗室王公功績表傳卷一